

歷史文獻

第四輯

上海圖書館歷史文獻研究所編

上海科學技術文獻出版社

圖書在版編目 (C I P) 數據

歷史文獻. 第4輯/上海圖書館歷史文獻研究所編.

上海: 上海科學技術文獻出版社, 2000.5

ISBN 7-5439-1463-8

I. 歷… II. 上… III. 歷史-研究-中國-文集

IV. K207-53

中國版本圖書館 CIP 數據核字(2000)第 17905 號

責任編輯: 儲文瑞

封面設計: 石亦義

歷史文獻**第四輯**

上海圖書館歷史文獻研究所編

*

上海科學技術文獻出版社出版發行

(上海市武康路2號 郵政編碼 200031)

全國新華書店經銷

江蘇常熟人民印刷廠印刷

*

開本 850×1168 1/32 印張 11.75 字數 305 000

插頁 2

2001年1月第1版 2001年1月第1次印刷

印數: 1-1 500

ISBN 7-5439-1463-8/Z·929

定價: 38.00 元

編纂委員會

顧問	王元化				
主任	王鶴鳴	馬達良			
副主任	王世偉				
委員	王鶴鳴	馬達良	王世偉	王煦華	
	陳秉仁	祝均宙			
編輯部主任	王世偉				
成員	王煦華	黃志偉	許全勝	周松青	
	梁穎				

CHINA

CHINA

目 錄

- 緩齋藏書題記(四) 顧頡剛著 王煦華 整理(1)
 上海圖書館善本題跋選輯·史部(續二).....
 陳先行 郭立暄 侯怡敏 整理(20)
 梁啟超、胡適致劉承幹手札 梁 穎 整理(75)
 鄭振鐸致潘景鄭論書尺牘..... 林申清 整理(78)
 清版刻工知見錄..... 李國慶 輯錄(90)
- 同人公簡 李天綱 整理(110)
- 陳寶箴友朋書札(二) 柳岳梅 整理(132)
 缶廬遺翰 許全勝 整理(140)
 胡樸安友朋尺牘(二) 宣 華 整理(167)
 葉恭綽友朋尺牘(二) 舒 晨 整理(188)
- 抗日戰爭期間的中國史學會..... 王煦華(218)
- 山東桓臺史家《戍寧觚》的再認識及其啓示..... 王宇信(227)
 陳璋壺銘匾毫解..... 曲英傑(243)
 中國的家族命名——家譜整理札記之一..... 陳寧寧(254)

戴震《續方言》手稿及其攷證·····	劉 蕃(266)
毛先舒年譜(續)·····	谷釋之(275)
黃炎培南洋公學期間日記暨月課·····	鄭村聲 整理(298)
民國初年盛宣懷復產一幕·····	高洪興 整理(316)
愚齋義莊資產簿·····	王 宏 整理(327)
《善齋吉金錄》重印本始末·····	王世偉(335)
遼寧省圖書館館藏歷史文獻的來源與特色·····	王清原(341)
上海圖書館館藏近代珍罕報刊名家題跋錄(續一)···	張 偉(355)
後記·····	王世偉(366)

緩齋藏書題記(四)

□ 顧頡剛 著 王煦華 輯

集 部

楚辭集註

此蔣季和先生舊藏書也，其書室曰留菴。抗日戰起，篋存而書亡。仲川收拾於散亡之餘，得此完帙。堪兒之生，渠持贈為賀儀，及堪兒入幼兒園，則仲川逝世矣。每一繙紙，腹為之痛。 一九五六年十月，顧頡剛題。

(華按：此書宋朱熹撰，明成化十一年何喬新刊本。)

楚辭集註

此為程仰之先生所點本。一九五二年，其夫人沙應若以其遺稿囑為整理，因以此書贈。然余事冗，何時而得成其志耶？ 頡剛記。

(華按：此書宋朱熹撰，清宣統三年掃葉山房石印本。)

離騷圖、九歌圖

內有缺葉，不知原缺歟，抑被人撕去歟？ 一九六二年七月，顧頡剛記。

(華按：此書民國中據湯復刻本景印。)

曹集銓評

陳思王與李後主遭際相同，文采亦相若。

(華按：此書清丁晏撰，同治十一年金陵書局刊本。)

杜詩偶評

歸愚先生此書流傳極少，先父子虬公得之，時時諷詠，朱墨二筆，皆其所點也。 顧頡剛

(華按：此書清沈德潛纂，乾隆十二年賦閑草堂刊本。)

讒書

予久耳是書名，疑其立言似子書，立一幹而發衆枝者。今夏游杭，就官局購之，則文集摘記之類耳。論理甚淺薄，所謂憤懣不平窮愁著書者，亦不過爾爾。唐代偏重詞章，有文士而無學者，所至如此，本不足責，惟後人矜寵之者備至，斯可異也。 民國六年頡剛記。

丁巳八月二號到滄浪亭圖書館觀《兩同書》，似較此作為善。彼自有意為書，此則隨手割記耳。卷帙太少，與皮氏《隱書》伯仲，亦由才小所致，唐人本不能為子書也。 頡剛記。

(華按：此書唐羅隱撰，清《邵武徐氏叢書》本，光緒十二年刊。)

施愚山先生別集

此書吾幼時即見於吾父書案，書名七字是吾父二十餘歲所寫，日寇陷北平，家藏書散失幾半，單本書所失更多，而是冊巍然存在，蓋在吾家八十年矣。比來多病，不易集中精力工作，惟點筆記短書

以自遺，因施丹鉛，以爲紀念。 一九七三年三月二十二日，頡剛初讀一過記。

(華按：此書清施閔章撰，康熙至乾隆間木活字排印本。)

孟鄰堂集

楊椿爲清代史學家，予讀《書目答問》末著述家姓名略知之，而迄未詳其所以成學之故，其文亦但於顧震滄《春秋大事表》中一見，而他未見也。抗日戰爭勝利後，予到北平，始得此集，則孫海波所影印者也。讀其書，知其於經、史并有研究，而不自附於古代家派，此則清初學風使然，獨出己見，敢於批判，我輩所當承受而發揚之者，惜其散亡者已多耳。 一九七八年三月，頡剛記。

(華按：此書民國三十一年孫海波據紅梅閣刊本景印。)

願學齋文鈔

李集，字繹芻，康熙博學鴻詞科。李良年之曾孫，而李遇孫之祖也。此集頗罕，觀王重民君編《清代文集篇目索引》亦未及知，北京圖書館未有也。 頡剛記。

(華按：此書清嘉慶二十四年刊本。)

知非集

此書余所舊有，抗日戰爭中爲敵人攫去，忽忽二十餘年，久欲覓一冊，以當時印本少，未能得也。今晨到東安市場購黃承吉《夢陔堂文集》，忽覩此書，乃是邵伯菴先生原藏，遂以一圓得之。 一九六二年四月十二日，頡剛記。

(華按：此書清崔述撰，民國二十八年北平燕京大學圖書館景印本。)

許鄭學慮存稿

燕大之出此書，已為抗日戰爭之第三年，予至成都矣，未能知也。今日涉足西單商場，得此於古舊書部，為之大快，爰記其事於冊首。 一九六二年四月九日，顧頡剛記。

（華按：此書清王紹蘭撰，民國二十八年燕京大學據清道光二十九年刊本景印。）

敬孚類稿

十年四月，紹虞自濟南代購寄蘇。 頡剛記。

此書好處，在能將社會情形照直寫出，不加掩飾，頗能見社會真狀。

（華按：此書清蕭穆撰，光緒三十二年刊本。）

勸堂文集日記類鈔

此一九二七年暑假，余在上海，識科學儀器館主人顧羹梅先生，因以其家所刊書見贈，此其一也。忽忽四十餘年，余以老邁，始得家居讀書，悉勸堂先生承清代攷證之學，甚有識別裁斷之力，特以從事宦游，未成家數耳。 一九七三年，頡剛。

（華按：此書顧家相撰，民國十四年（一九二五）顧燮光排印《勸堂遺書》本。）

袁忠節公遺札

聞丹楓言袁家雖桐廬籍，實住松江，其所刻書版亦存松江，不知今日尚存在否？

敬孫之子曰粹初，吾父子虬公之友也。

一九五一年六月章丹楓先生贈，頡剛記。

(華按：此書清袁昶撰，民國三十七年景印本。)

夢陔堂文集

予既治攷據之學，對於經史諸家之文集筆記每有所見，不忍不購，雖囊橐空匱，猶不得之不安也。日前偶至東安市場，見此書，知爲黃承吉作。承吉之學，予見之於其祖黃生《字詁》、《義府》兩書之按語，知其有博辨之才，夤雅之學，初不知其有文集，且爲抗日戰爭時燕京大學中所刊也。當時以囊中羞澀，未能即得，意忽忽不樂，遂於今日往購之，猶幸其尚未爲同好者捷足先得也。爰書其事，以示後人。 一九六二年四月十二月，顧頡剛記，是日政協大會休會半日。

此書爲中國科學院圖書館舊藏，不知何故散出，想以復本較多，爲減少藏書容積計，遂出售於中國書店耶。

(華按：此書爲民國二十八年燕京大學圖書館排印本。)

伏敵堂詩錄

光緒戊申，銘堅以小洋角半得之於舊書鋪。書凡四冊，今缺其續錄一冊計四卷，正編三冊尚完全焉。 仲夏晦日，銘誌。

此爲我一九〇八年購書題署，可作紀念。一九七三年秋理書得之，喜其未脫稚氣，正與今日衰老作一對比，爰重寫數字於此。 顧頡剛記。

(華按：此書清江湜撰，同治元年福州刊本。)

虛受堂文集

王葵園以劾李蓮英免官，茲編乃不登此奏章，何耶？ 壬寅夏，頡剛記。

(華按：此書王先謙撰，清宣統二年上海國學書社石印本。此

集不收奏摺，故無勅李蓮英奏章也。)

籀膏述林

孫仲容先生詒讓，生清宣宗道光二十八年戊申(一八四八)，卒德宗光緒三十四年戊申(一九〇八)，年六十一。

此書民國五年(一九一六)所刊，距孫氏之歿已八年，故原稿不清楚處皆作墨丁，或僅作空白，何校者之無人也？

十二年十一月二十日周予同兄惠贈。頡剛記。

(華按：此書民國五年刊本。)

採薇僧集

此書係民國二十年左右錢玄同先生所贈，大亂中竟未遺失。今日展此，曷勝人琴之感。卷端所寫，猶先生遺墨也。 一九五一年四月，頡剛記。

(華按：此書李滋然撰，民國六年刊本。錢玄同卷端所題為：“此本缺《寄李元甫明府書》、《覆李集甫書》。”此二篇不知為誰所撕去。)

呂碧城集

碧城女士工於詩詞，曾受學於嚴又陵先生，予幼年即耳其名。旅居歐陸，遂終其身，所成就亦僅止此，惜哉！ 一九五六年四月，頡剛記。

(華按：此書民國十八年中華書局排印本。)

半蘭舊廬詩

半蘭吾師，一意為宋詩。余年十六七，最愛誦之，以為氣勢凌厲，清代無此作也。迄今八九年，情隨時變，展此一編，感槩繫之。

頡剛。

(華按：此詩似為胡蘊撰，顧頡剛先生在蘇州公立第一中學讀書時之教師也，清光緒三十四年顧頡剛手鈔本。)

綠綺園詩集

一九二八年，容元胎兄導游香港，謁其舅鄧爾雅先生，書聯為贈，并導游宋王臺。先生瀟灑神情，宛在眼前。歷三十有三年，復至廣州，容希白兄出此冊為贈，知先生歿數載矣，悵然誦之。一九六二年二月三日，顧頡剛記。

(華按：此書鄧爾雅撰，一九六〇年容庚景印本。)

可桴文存

此人雖於學問鑽研不深，而頗能提出問題，亦二十世紀初葉之有心人也。其文辭逞筆而書，漫不修飾，故知之者不多，然氣象灑澹，非專主雕琢者所可及。 一九七三年六月十七日，頡剛題。

(華按：此書裘可桴撰，民國三十五年無錫裘翼經堂排印本。)

蓼園詩鈔

陳宜誠先生惠贈，時予方以失眠疾大作，就先生醫治也。一九五二年七月，顧頡剛記。

(華按：此書柯劭忞撰，民國十二年刻本。)

吳虞文錄

廿七年秋到成都，又陵先生出是書見贈，書此誌感。 頡剛記。

(華按：此書民國二十五年成都吳氏愛智廬刊本。)

苾廬遺集

一九六四年七月六日，起潛叔寄來。高風亮節，讀之起人敬佩。 頡剛記

(華按：此書潘昌煦撰，一九六三年吳縣潘氏排印本。)

文選筆記

華亭許巽行，清乾隆時人，不詳其仕履。一生研究《文選》，至於十校，成《校證文選》六十卷，《文選筆記》八卷，及身未付剞劂。至光緒十年，其玄孫始將《筆記》刊出，其《校證》巨著，則藏以有待。此數十年中時代動蕩過甚，不知尚存焉否也。解放後，予移居北京，得此於中國書店，而在江、浙則未嘗見之，流傳之少可知矣。予舊有一《文選》評點本，讀者用力至深而不知其名姓，倘天假我年，得與此書合讀，藉窺選學門徑，則大幸矣。 一九七二年七月，頡剛記。

(華按：此書清光緒十年玄孫嘉德富春官舍斐如堂刻本。)

漢魏六朝女子文選

此予與履安初結縭時之贈物也。日月幾何，而履安埋骨且廿載矣。今日理書得此，為之傷嘆。 一九六三年三月，頡剛記於京寓。

此書實為朱希祖先生所編而託諸其夫人張維者。在北京大學未設史學系時，朱先生固文學系教授，教中國文學史者也。書中分有韻、無韻之文為二，即係承其師章太炎先生說為之，書出，其行不廣，今世殆無知者，故為題記。 頡剛識

(華按：此書清宣統三年海監張氏刊本。)

國朝名家詩鈔小傳

五十年前初識陳援庵先生垣，知我為秀野先生從孫，即諄諄以輯刻《元詩選》各家小傳相屬。時予方專力治古史，未能從也。前年先生逝世，時時思及此言。近整理藏書，將先父搜集之秀野遺書歸於一櫃，俾他日覓得鈔手之後有以成援庵先生之囑。茲得此書為鄭方坤所編《清代詩人小傳》，而由李登雲集錄之者，先父之所點也。其事與援庵先生所囑同。為搜輯一朝詩家掌故，遂與《元詩選》同櫃置之，以自勵焉。 一九七三年六月，頤剛記。

(華按：此書清光緒十二年萬山草堂刊本。)

詩比與箋

前在同學張正甫案頭見此書，默識不忘，民國七年十月得於玄妙觀肆上。 頤剛記。

(華按：此書清陳沅撰，光緒中刊本。)

古文翼

予年十歲，先父買此書令讀，各篇皆略能上口，而於歐文尤熟，迄今五十餘年，印象尤深。今得此帙，置諸座右，期無忘童齡之所受也。 顧頤剛記。

(華按：此書清唐德宜編，光緒十二年漢口李氏森寶齋刊本。)

吳都文粹

先祖廉軍公、先父子虬公對於吳中文獻都極注意，凡有所見，即加鈔錄。此書為我家所無，及子虬公就養北平，得之廠肆，喜甚。又得潘景鄭先生據謝心傳鈔本所作校記，寓邸多暇，手鈔一過。其時抗戰初興，余以編寫通俗讀物觸敵人怒，避寇南行，旋又西去。

翌年先嚴返蘇，半載而逝。平寓文物裝箱存於李延增君家，勝利後三年，始得運滬。又越一年，始得啓箱，則此本赫然在焉。神光照人，不敢諦視。頃黃永年君出示所得孫毓修小綠天閣影宋賓王校本，因逐錄宋賓王一記、黃蕘圃三跋於上。吾父地下有知，必欣然以喜。恨吾奔走衣食，不克重校一過，以副先志耳。 辛卯初春，頤剛記。

當宋之季，賈似道肆虐。既敗，朝命放之循州，遣使押行。會稽縣尉鄭虎臣，以其父嘗爲似道所配，慷慨請任其事。似道時寓建寧，侍妾尚數十人。虎臣至，悉屏去，撤轎蓋，暴行秋呻，令舁夫唱杭州民間怨歌，名斥似道，所以窘辱之者無不至。至漳州木綿庵，虎臣曰：“吾爲天下殺似道，雖死何憾。”遂即厠上，拉其胸，殺之。聞者大快。其後陳宜中至福州，責虎臣擅殺，斃之於役。是虎臣實爲忠貞孝義之士，正氣充塞天地之間，以其生命與奸人作殊死戰者。顧乃有閒情逸致搜集故鄉文獻成此一編，洵乎賢者之無不能也。

此書流傳七百年，未有精槧。惟康熙時施氏活字本行世，尚極難得。先父子虬先生好香吳中掌故，晚得施本，惜其多訛，爲之手自鈔寫改正。旋讀潘景鄭先生校記，乃以謝浦泰、錢枚二鈔本異文註於書眉，顧未得見宋賓王本也。去冬無錫孫氏小綠天閣藏書散出，有景寫黃蕘圃藏宋氏本在，永年同學愛之，傾囊購得，出以相示。予粗爲比勘，知與施本大有逕庭，題目、文字、註記悉多異者，試舉編末數例：楊備《夢作》下，施本有陳堯佐《吳江》一詩，而此無之；王明之《留京師》下，此有寇國寶《無題》一首，而施本無之；賀鑄《青玉案》下，此有一註記，而施本亦無之。施本之上先父未有校記，知錢、謝二本皆與之同，則宋本之瑰卓可知也。異時倘有暇間，當向永年借取，細爲勘校，寫爲定本。如其力所能任，更付諸劊劊，俾治吳中文化史者有左右採獲之利。永年其助我成之哉！ 辛